


Headline	Perbelanjaan modal TNB RM9.5 bilion		
MediaTitle	Utusan Malaysia		
Date	15 May 2019	Language	Malay
Circulation	107,609	Readership	322,827
Section	Ekonomi	Page No	36
ArticleSize	354 cm ²	Journalist	NUR HANANI
PR Value	RM 20,990		



Perbelanjaan modal TNB RM9.5 bilion

Oleh **NUR HANANI AZMAN**
e|ekonomi@utusan.com.my

■ **KUALA LUMPUR 14 MEI**

TENAGA Nasional Bhd. (TNB) memperuntukkan perbelanjaan modal (*capex*) kira-kira RM9.5 bilion pada tahun ini berbanding RM12 bilion pada tahun lalu.

Presiden dan Ketua Pegawai Eksekutifnya, Amir Hamzah Azizan berkata, peruntukan lebih kecil itu berikutan projek loji Jimah East Power (JEP) dijangka memulakan operasi pada tahun ini.

Katanya, sebanyak RM6 bilion diperuntukkan bagi segmen grid dan RM2.5 bilion bagi penjenajaan.

"Segmen penjenajaan meliputi loji janakuasa Southern Power Generation di Pasir Gudang, Johor yang dijangka beroperasi pada 2020 dan Projek Solar Berskala Besar (LSS) di Bukit Selambau, Kedah.

"Baki *capex* diperuntukkan bagi

jalur lebar optik fiber yang mana diunjurkan berupaya memberi sumbangan kepada kumpulan menjelang tahun hadapan," katanya selepas Mesyuarat Agung Tahunan (AGM) TNB di sini hari ini.

Yang turut hadir, Pengerusi TNB, Tan Sri Leo Moggie dan Ketua Pegawai Kewangan TNB, Nazmi Othman.

Mengulas tentang operasi perniagaan di luar negara, Amir berkata, meskipun TNB berdepan beberapa cabaran di Gamma, Turki, negara itu mempunyai masa depan yang baik dengan permintaan elektrik meningkat.

Jelas beliau, begitu juga India yang mempunyai potensi pertumbuhan baik bagi projek hidro.

Ditanya mengenai kemungkinan kenaikan bersih tarif elektrik, beliau berkata, ia hanya akan dapat diputuskan selepas kajian dilakukan.

"Dalam masa sama, TNB akan terus melaksanakan mekanisme sedia ada," katanya.



LEO MOGGIE (tengah) bersama Amir Hamzah Azizan (kiri) dan Nazmi Othman menunjukkan Laporan Tahunan Bersepadu TNB pada sidang media selepas Mesyuarat Agung Tahunan TNB ke-29 di Kuala Lumpur, semalam.
- UTUSAN/ ABDUL NAZIR MOHAMED